

佛說梵網六十二見經

七
籍

二百七十六
澄十一

49542

11



Large stylized Chinese characters, possibly a library or archival stamp, reading "國立中央圖書館藏" (Collection of the National Central Library).

Faint vertical text within the seal impression, including characters like "金剛經" (Sutra of the Golden Sower) and "轉" (turn/rotate).

Handwritten mark or signature at the bottom left corner.

Handwritten mark or signature at the bottom right corner.

佛說梵網六十二見經 十一

吳月支優婆塞支謙譯

澄

聞如是一時佛遊於俱留國與大比丘衆千二百五十人俱。尔時異道人須卑及弟子梵達摩網隨佛及比丘僧異道人須卑謗佛無央數及謗法比丘僧弟子梵達摩網嗟歎佛及法比丘僧無央數。是師弟子便共諍言。各自非其所說。常隨佛比丘僧受請。是時佛從俱留國。任至舍衛國。止在祇樹給孤獨園。時諸比丘會於迦梨羅講堂上坐。共議言。是事當云何。異道人須卑及弟子梵達摩網常隨佛及比丘僧受請。異道人須卑謗佛及法比

丘僧無史數弟子梵達摩網嗟嘆佛及法比
丘僧無史數佛徹聽遙聞諸比丘共議說是
事佛便起往至講堂佛則坐佛問諸比丘言
屬者會迦梨羅講堂所議何等諸比丘白佛
言向者會共議言異道人須卑及弟子梵達
摩網常隨佛及比丘僧受請異道人須卑謗
佛及法比丘僧無史數弟子梵達摩網嗟歎
佛及法比丘僧無史數佛言善哉諸比丘會
常當行二事何等爲二一者說法二者思惟
佛告諸比丘若有謗我及法比丘僧汝曹不
瞋恚念惡愁憂者爲善若有謗我及法比丘
僧卿曹便瞋恚愁憂者爲有衰比丘若有嗟

歎我及法比丘僧者汝便當不喜亦不愁意亦不喜喜者汝便有衰若復有謗我及法比丘者汝意便當念言彼人所說非至誠言佛無有是事比丘若有嗟歎我及法比丘僧者汝當念言實有是事所以者何其少知者但有誠不能多聞者便嗟歎佛諸比丘問佛言

何所是少知但有識不多聞嗟歎佛者佛言其人說言佛不殺生無怨結不持刀杖教人為善慈哀一切及蝟蜚蠕動之類亦不取他人財物但欲布施心亦念布施見人劫掠人者哀念之身自行清淨不入人罪法修清淨梵行樂清淨行不樂惡愛欲之法亦不妄語

所言至誠樂實無虛世間人皆信其言無有
異意亦不忘念不兩舌傳語聞人若有諍者
和解各令安隱不罵詈亦不惡口所說令衆
人歡喜但說善不欺言知時至誠有義行法
所言柔輒不坐高綺好牀亦不著香花不聽
歌舞不飲酒亦不著金銀珠寶常以法食食
不失其時不受男女奴婢不絕生穀亦不受
鷄羊猪無有舍宅亦不市買不行斤升寸尺
欺侵人皆離於刀杖搥捶恐怖人
譬如異道人貪著食以是皆著行多居穀食
酒畜生衣被醫藥沙門瞿曇皆無是
譬如異道人受人信施食已是故常作癡業

徐行出入誹謗嫉妬但欲得自恭敬佛常離
是癡業

譬如異道人受人信施食畜聚落舍宅穀食
樹木果蔬菜園自取食之佛皆離是事

有異道人受人信施食在高廣綺牀上卧起
以金銀好畫之上布施褥及諸象馬畜生諸

飛鳥之毛以布座上佛皆離是事譬有異道
人受人信施食便共相問言王者云何賊云何
兵云何鬪云何大臣云何郡國縣邑云何女
人云何姪姝者云何說世間事說問事海事
佛皆離是事有異道人受人信施食行虛現
實應表裏不相副示光法明以求財利常貪

鉢佛皆離是瘰見有異道人受人信施食便
共諍訟言我知法律卿不知法律卿為邪見
豈能知法耶我為正見語言前後顛倒為我
正見卿則邪見卿為負我得勝卿惡卿邊至
無復受其言卿當學行為有保任不佛離是
畜生果有異道人受人信施食常行牡滿博
掩便言我以得擽檪兜牡滿君犢塞盧佛皆
離是事有異道人受人信施食便沐浴以雜
香塗身自莊嚴以鏡自照持高散蓋著履結
髻以珠珞眊佛皆離是事有異道人受人信
施食常行現惡事便持手鬪之以頭面相觸
鬪象馬牛羊鬪男子女人及小兒鬪鷄猪鴨

佛皆離是邪惡見有異道人受人信施食作
畜生業以自給活別知刀鋸弓箭別相男女
大小別知相象馬牛羊佛皆離是事有異道
人受人信施食作畜生業以自給活作男女
小兒醫作象馬牛羊之醫佛皆離是事有異
道人受人信施食作畜生業以自給活作鬼
神事作衣被作自醫作女人坐醫作呪嬈女
人往來之時持草化作美食與人食之便詐隨
索好物化盧服與人能令飛行佛皆離是事
有異道人受人信施食以作畜生業自給活
持藥與人使吐佛皆離是事有異道人受人
信施食以畜生業自給活手人言使東西行

呪令共鬪諍訟相撾捶人墮人著地呪女人
使傷胎以葦呪著人譬佛皆離是事有異道
人受人信施食以畜生業自給活持薪燃火呪
栗皮毒蒲陶子作烟呪鼠傷殺人學呪知人
生死時佛皆離是事有異道人受人信施食
以畜生業自給活一人言當大雨一人言當

小雨一人言米穀當豐熟一人言不熟一人
言米穀當貴一人言當賤一人言當大病疫
一人言不一人言當有賊來破壞此國一人
言當有大死亡一人言當有崩王當有立王
一人言地當大動一人言不一人言月當蝕
一人言月不蝕一人言日當蝕一人言日不

蝕一人言日從東西行一人言從西東行一人言月星宿從東西行一人言從西東行用是故有吉凶一人言用是故日月星宿從東西行一人言用是故日月星出一人言用是故日月星入一人言雲當覆日一人言當出於雲一人言天當清無雲佛皆離是事有異道人受人信施食以畜生業自給活一人言此國王當往破彼國彼國王當來破此國一人言此國王車馬畜少爲人解夢呪人使不能語令人口噤爲人書取其價爲人持衣計取其價分別好惡色取其價佛皆離是事佛言沙門一飯暮不食以時食離不時食行知

止足於衣鉢食取足而已所行至處皆賈衣鉢
鉢自隨身譬如飛鳥所行至處兩翅隨其身
比丘亦如是於衣被飯食鉢取足而已所行
至處衣鉢皆隨身比丘亦如是受賢者誠奉
行自觀身不諍訟思惟道所作安諦見色不
作想亦不互相見聞人變者續寂寞不癡亂
諸不可意惡不善之法不能亂其志皆護眼
根是爲比丘奉賢者誠品賢者如是寂定根
門於內不念鬪亂飯食取足而已食亦不多
亦不少適得其中常介一食不增減趣支命
不用作筋力但欲令身安不苦痛有氣力得
定行若有當來比丘當以是賢善奉行誠當

以是賢善飯食取足而已思惟道上夜後夜
行道應妙不傾動行道念晝日若坐若經行
不念惡法初夜若經行若坐中夜倚右脇累
兩足而卧意即念起常欲見明後夜復坐念
道若經行不念惡法若入郡國縣邑分衛明
且起著衣持鉢入郡國縣邑分衛皆護身諸
根常念著意分衛訖出飯食以澡手洗足去
鉢便入在獨夜坐若空閑樹下若露處山間
巖石間若草屋水所盪處正坐不左右顧視
離世間癡意念行不作惡意以慈心哀傷一
切人民及蝻飛蠕動之類意亦不念惡去愛
欲去離睡眠常念疾得定行意而不念睡眠

去離猶豫衆想不說惡亦不作想內意寂定
去離外疑去離衆想行不行惡法意亦不念
衆想皆棄五蓋及塵勞意譬如人舉息錢行
賈作如意還本償息常有餘末饒足自活其
人自念心亦歡喜譬如人久行作奴婢得脫
奴身出入自在自念言我本作奴今得脫爲
民其人自念心亦歡喜譬如人拘閉牢獄遇
赦得脫其人自念心亦歡喜譬如人得重病
連年累歲遭遇良醫攻治得愈有氣力行步
出入飯食其人念言昔時病累歲今得除愈
有氣力飯食出入其人自念亦歡喜譬如人
持重財經過惡道財物畜甚安隱得至善道

其人自念亦歡喜比丘亦如是去離五蓋譬
如負債已償拘閉得脫久病除愈奴免為民
經過惡道已脫是心歡喜佛言其少知或不
多聞者便謗如來佛言我所解法深妙我所
知所了者賢者弟子聞者便嗟歎如來佛言
何所是深妙之法我所可了知賢者弟子聞
之便嗟歎如來佛言若有異道人於過去劫
中見過去事於無央數道各各學其事知其
中事皆在十八見中若有異道人於當來劫
中見當來事學當來事於無央數道各各了
其事皆在是四十四見中彼異道人於過去
劫中見過去事於無央數道各各了其事悉

在十八見中者有異道人行常見常自爲世
間說有常在是四見中佛言其異道人何以
在四見中各見常說自爲世間人說有常若
有異道人斷愛欲行禪即如其像三昧正受
能念過去二十劫事其人言我與世有常所
以者何我知過去劫成敗時不知當來劫成
敗時其人便念知過去事捨當來事是爲第
一見第二若有異道人斷愛欲即如像三昧
正受能念當來四十劫事其人言我與世有
常所以者何我不知過去劫成敗時但知當
來劫成敗時其人便捨過去事不知之當念
來事是爲第二見第三若異道人斷愛欲精

進行寂即如其像三昧定意念過去當來八十劫事其人便言我與世有常所以者何我知過去當來劫成敗時其人便念過去當來之智是爲第三見第四若有異道人精進寂一心行斷惡行即如其像三昧定意念寂根住癡念其人自爲世間說有常所以者何我不知過去劫成敗時亦不知當來劫成敗時是爲第四見所可謂異道人說常見常自爲世間人說有常者皆在是四見中不能復過上如來皆知是復過是上微妙知是以不誠之離於誠得無爲如來知痛痒所更樂盡滅知所從起佛見以無所受意善解佛言我所

解法深奧深照若有賢者弟子聞之便嘆歎
佛其有異道人於過去劫中見過過去事念過
去事於無央數道各樂說知其中事皆在十
八見中其異道人何謂於過去劫中見過去
事念過去事於無央數道各樂說知其中事
者若有異道人各說常見常各自爲世間人
說有常皆在四見中其異道人何謂說常見
常爲世間人說常其劫壞敗時下人民便上
生第十二阿衛貨羅天上劫壞敗時其天福
德薄命盡展轉來下有梵天在上虛空中生
便於彼爲大尊梵自謂我皆作諸事於其上
尊爲一切作父解義千人之上其梵天自念

言當於何所得人來生此過發意頃餘下人
即解生其上。今時其梵天因發見言我皆化
作是諸人。其人民亦自生見言梵天皆化作
我曹。所以者何。梵天先生我曹後生是故化
我曹。其先生梵天最端正好潔威神巍巍其
餘諸天隨法福德薄命盡皆稍稍下生人間
行精進離愛欲行一心。即如其像三昧定意
定念。昔所生處。其人言上先生所梵天常在
終不轉移亦不死。常在尊上。梵天化作我曹
非常轉移死。是謂爲說常非是。是爲第一見
第二。若有異道人。彼有梵天發見如是言。其
有色法痛痒思想行識。是法爲常亦不轉移。

不死其有地種水種火種風種空種此非常不
堅固其梵天人祿相福德薄者終亡來下生
人間其人精進離愛欲一心即如其像三昧
定意念昔梵天是其人言彼色法痛痒思想
行識其法常堅固此人間地種水種火種風
種空種是法非常無堅固有終亡是為第二

見第三若有異道人所說何謂有天名幾陀
波屠在其上相娛樂快樂以後常不復念身
病著牀其人法祿相福德薄終亡下生人間
其人行精進離愛欲一心即如其像三昧定
意念昔所生處其人便言彼天人相娛樂快
樂者得常在不動轉終亡此人間相娛樂非

常無堅固有終亡彼天有常此人間無常是
爲第三見第四若有異道人所說有天名散
提彼居上共止頓平相向生瞋恚離本座其
天人祿相福薄者終亡下生人間其人行精
進離愛欲一心即如其像三昧定意念昔所
生天上其人言彼諸天共止相娛樂者得常
在堅固不終亡我生人間者非常無堅固有
終亡彼天有常我人間無常是爲第四見佛
言諸異道人各各所說有常各各爲世間人
說有常者皆在是四見中不能過是四見佛
皆知是復過是上絕妙知是以不戒亦不毀
得無爲佛知痛痒更樂知方便所從起起以

見佛無所受意善解佛所知法深奧深照我
悉了若有賢者弟子聞知之便嗟歎如來若
有異道人於過去劫中見過去事念昔時行
於不可計道各樂說解知其事皆在十八見
中其道人所知何謂有異道人言我於此自
然生不從他方來生念無所從生見謂本無
世間今有世間皆在二見中其異道人所知
何謂言我於此自然生不從他方來生念無
世間今有世間者有天名無想人無有思想
無有痛痒其天人若念思想祿相福德便薄
盡終亡來下生世間其人行精進離愛欲一
心定意意即如像像其三昧不能復念昔時

所從來生其人便言本無有世間今適有世
間我昔時無今自然生是第一見第二若有
異道人意念癡其癡人念言本無世間今適
有世間我本無今自生有所以者何我本無
今自生有是謂爲本無有世間是爲第二見
其異道人所可謂我本無所從來生念無所
從生見謂本無世間今適有世間者皆在是
二見中是二見不能復過上佛皆知是復過
其上絕妙知是以不誠亦不毀得無爲佛知
痛痒所更樂知方便所從起以見佛無所受
意善解佛言我所知法深奧深照我悉曉了
之若有賢者弟子聞知者便嗟歎佛若有異

道人於過去劫中見過去事念昔時行於可
計道各樂說解知其事者在十八見中有異
道人一人言我所見有崖底一人言我所見
無崖底一人言我所見有崖底無崖底一人
言我所見不有崖底亦不無崖底皆在是四
見中其異道人所知何謂若有異道人行如
是自爲世間人說有限我所言至誠其餘者
爲癡虛妄言自爲世間人說無限作是說有
言我與世間有限無限我與世亦不有限亦
不無限者後亦爲虛妄語作是說者爲狂語
所以者何我所見世間有限是爲第一見第
二若有異道人所知何謂言我所行所見無

限謂知我與世無限其異道人見如是行如
是謂我與世無限其人說言我與世無限我
至誠其餘者爲癡反言我與世有限無限我
與世亦無有限亦不無限作是說者爲狂語
所以者何我與世無限是爲二見第三若有
異道人所知何謂其異道人見如是行謂知
我與世有限無限我所言至誠其餘爲癡虛
妄語反言我與世有限言無限我與世亦不有
限亦不無限作是說者爲誑語所以者何我
與世有限無限是爲第三見第四若有異道
人所知何謂其人言我念如是行如是見謂
知我與世亦不有限亦不無限我所言者至

誠其餘者爲癡虛妄語。反言我與世有限。我與世無限。我與世有限無限。作是語者爲誰語。所以者何。我與世亦不有限亦不無限。是爲第四見佛言。諸異道人。有言有限。有言無限。有言有限無限。有言亦不有限亦不無限。我及世間者。皆在是。四見中不能復過。是四境上。佛皆知。是復過。是上絕妙。知是以不誠不毀。得無爲。佛知痛痒。所更樂知方便。所從起不受者。佛善解佛言。我所知法深奧。深照。若有賢者弟子。聞知之便。嗟歎佛若有異道人。於過去劫中。見過去事。念昔所生處。於不可計道各樂說解其事者。皆在是。十八見中。

各異道人共諍說所言各異若有問事者便
共諍所言各異言教我其當如是教彼人當
如是教餘人當如是教人當如是不如是皆
在是四見中其異道人共諍說所言各異者
何謂各有異道人見如是行如是言我不知
亦不見爲有後世爲無後世我不知一切無
有後世我亦不見我所可不見不知不念是
事如我所說不如餘者所說其人獨語自用
我所見至誠其餘爲癡佛言受取癡邪見人
身死至泥犁惡道若有沙門婆羅門所行多
知點慧解說其義諦觀所語無異名聞遠方
棄捐他見來到其所安諦不能發遣其異道

人死墮惡是爲第一見第二若有異道人所知何謂其異道人見如是所說如是我不知爲有善惡之殃福亦不知爲無善惡之殃福我亦不知亦不見若作是語有善惡之殃福我爲著無善惡之殃福我爲離者若我不著爲轉還受居沙門婆羅門所行多知黠慧解說其義諦觀所語無異名聞遠方棄捐他見來到其所安諦問之不能發遣其異道人疑恐畏來問若有問者便共諍說教其人當如是教餘人當如是當如是不如是亦當如是不如是是爲第二見第三若有異道人所知何謂其異道人所見如是所說如是不我知

何所善何所惡當行何等不行何等所惡道
何所善道何所是現世寶何所是後世寶常
當作何等行爲苦當作何等行爲樂若有沙
門婆羅門所行多知解其義諦觀所語無異
名聞遠方棄捐他見來到其所安諦問之何
所善惡當行不行何等何所善惡之道何所
是見後世寶常當作何等行爲苦樂來問之
不能發遣恐畏惡道若有問事者便共諍所
言各異教其人當如是教餘人當如是教人
當如是亦當如是不如是爲第三見第四若
有異道人所知何謂其異道人意念癡若有
問事者便共諍所言各異教其人當如是教

餘人當如是當如是不如是亦當如是亦不
如是不如是亦當如是亦不如是是爲第四
見所謂異道人共事亦說各異若有問事者
便共諍語教其人當如是教餘人當如是當
如是不如是亦當如是亦不如是者皆在四
見中不能過是四見上佛皆知是所知復過
上絕妙知是以不誠亦不毀得無爲佛知痛
痒更樂方便知所從起佛現所受意善解佛
言我所知法深奧深照我悉了若有賢者弟子
聞知有便嗟歎佛若有異道人於過去劫中
知過去事念昔時行於不可計道各樂說解
其事者皆在是十八見中是十八見不能復

過上佛如是所知復過上絕妙知是以不誠
亦不毀佛現無所受意善解佛言我所知法
深奧深照我悉了若有賢者弟子聞知之便
嗟歎佛若有異道人於當來劫中見當來事
念當來事行不可計道各樂解說其事者皆
在四十四見中其異道人所知何謂於當來
劫中知當來事行不可計道各樂說解其事
若有異道人行想見想自為世間人說想在
十六見中其異道人所知何謂行想見想為
世間說想在十六見中其異道人所見如是
行如是有我色為有後世想言我至誠其餘
為癡是為第一見若有異道人言無色為有

我無後世言我至誠其餘者爲癡是爲第二
見若有異道人行想見想自爲世間人說想
者言有色無色有我我所語至誠其餘者爲
癡是爲第三見若有異道人言亦不有色亦
不無色爲有我我至誠其餘者爲癡是爲第
四見第五若有異道人言有限爲我我至誠
其餘者爲癡是爲第五見第六若有異道人
言無限爲有我我至誠其餘者爲癡是爲第
六見第七若有異道人言有限無限爲有我
我至誠其餘者爲癡是爲第七見第八若有
異道人言亦不有限亦不無限爲有我我至
誠其餘者爲癡是爲第八見第九若有異道

人言一想爲有我我至誠其餘者爲癡是爲
第九見第十若有異道人言少思想爲有我
我至誠其餘者爲癡是爲第十見第十一
若有異道人言種種思想爲有我我至誠其
餘者爲癡是爲第十一見第十二若有異道
人言無央數思想爲有我我至誠其餘者爲
癡是爲第十二見第十三若有異道人言一
樂爲有我我至誠其餘者爲癡是爲第十三
見第十四若有異道人言苦爲有我我至誠
其餘者爲癡是爲第十四見第十五若有異
道人言苦樂爲有我我至誠其餘者爲癡是
爲第十五見第十六若有異道人言亦不苦

亦不樂爲有我我至誠其餘者爲癡是爲第
十六見佛言其異道人行想見想自爲世間
說想者皆在是十六見中不能復過上佛皆
知是所知復過上絕妙佛知是以不誠亦不
毀得無爲佛知痛痒更樂知方便所從起佛
現無所著受意善解佛言我所知法深奧深
照我悉了若有賢者弟子聞知之便嗟歎佛
若有異道人於當來劫中見當來事念昔時
行於不可計道各樂解說其事悉在四十四
見中其異道人何謂若有異道人行無常見
無常自爲世間人說無常見在八見中其異
道人所行何謂行無想見無想自爲世間人

說無想其異道人見如是行如是有色爲有
我無想死無後世言我至誠其餘者爲癡是
爲第一見第二若有異道人所知何謂行無
想見無想自爲世間人說無想謂無色爲有
我無想死無後世我至誠其餘者爲癡是爲
第二見第三見若有異道人言有色無色爲
有我無想死無後世我至誠其餘者爲癡是
爲第三見第四見若有異道人亦非有色亦
不無色爲有我及世死無後世我至誠其餘
者爲癡是爲第四見第五見若有異道人言
我爲與世有限我至誠其餘者爲癡是爲第五
見第六見若有異道人言我與世無限我至

誠其餘者爲癡是爲第六見第七見若有異
道人言有限無限我至誠其餘者爲癡是爲
第七見第八見若有異道人言亦不有限亦
非無限我至誠其餘者爲癡是爲第八見佛
言若有異道人於當來劫見當來事所知言
各異皆在四十四見中其異道人所知何謂
見無想行無想亦不無想見謂知我與世無
有想皆在是八見中第一見若有異道人見
如是行如是有色爲有我亦不有想亦不無
想死有後世我至誠其餘者爲癡是爲第一
見若有異道人言有色無色爲有我亦不有
想亦不無想死有後世我至誠其餘者爲癡

是為第二見第三見若有異道人言有色無色為有我亦不有想亦不無想於後世我至誠其餘者為癡是為第三見第四見若有異道人亦不有色亦不無色為有我亦不有想亦不無想於後世我至誠其餘者為癡是為第四見第五見若有異道人言有限為有我亦不有想亦不無想於後世我至誠其餘者為癡是為第五見第六見若有異道人言無限為有我亦不有想亦不無想於後世我至誠其餘者為癡是為第六見第七見若有異道人言有限無限為有我亦不有想亦不無想於後世我至誠其餘者為癡是為第七見

第八見若有異道人言亦不有限亦不無限
為有我亦不有想亦不無想於後世我至誠
其餘者為癡是為第八見佛言若有異道人
亦不有想亦不無想行亦不有想亦不無想
見亦不有想行亦不有想見皆在是八見中
不能復過是八見上佛皆知是所知復過上
絕妙知是以不識亦不毀得無為佛知痛痒
所更樂方便知所從起佛現無所著意解脫
佛言我所知法深奧深照我悉了若有賢者
弟子聞知便說佛功德佛言若有異道人當
來劫見當來事於無央數道所知言各異皆
在四十四見中其異道人所知何謂若有異

道人言無行無有見無有人念空知皆在七
見中其異道人言無行無有見無有人念空
者所知何謂若有異道人見如是如是諸我
色四大父母所生以飲食而長在非常沐浴
衣身死在地骨節解墮別離異處風吹其身
破碎壞敗以後世不復生死如是便滅盡是
爲第一見第二見復有異道人言死非如此
破敗更有我復過其上何所是我踰上者其
我者色天及欲行天彼我者若死壞敗後世
不復生死是爲第二見第三見若有異道人
言我者死非如此壞敗更有異我復過其
上其我者色無意故彼我苦死壞敗後世不

復生死是爲第三見第四見復有異道人言
我者非如此死壞敗更有我復過其上其我
者何謂其我皆過諸色想天悉踰瞋恚想天
念種種無央數虛空知行其我若死壞敗後
世不復生死是爲第四見第五見復有異道
人言我者不如死壞敗更有我復過其上其

我者何謂其我皆踰一切虛空知天無央數
名識知天所念行其天若不壞敗時後世便
不復生死是爲第五見第六見復有異道人
言我者不如此死壞敗更有我復過其上其
我者何謂皆踰一切識知天不復著名無識
知念行其天我者死壞敗後世不復生死是

為第六見第七見復有異道人言我者非如此無壞敗更有我復過其上其我者何謂皆踰一切無識知天其天人無想有想念行其天我者死壞敗時後世便不復生死是為第七見佛言所可謂異道人行滅壞見無行無有想無人念空皆在是七見中於七見中不復能過上佛皆如是所知復過其上絕妙知是以不誠亦不毀之得無為佛知痛痒所更樂故便知所從起起以現佛無所著意善解我所知法深奧深照悉了知若有賢者弟子聞知便說佛功德佛言若有異道人於當來劫中見當來於無央數道所說各異皆在四

十四見中復有異道人自說今現念行無爲
現在見無爲若人至其所便爲說現在無爲
皆在五見中有異道人見如是說行亦尔其
在殿舍自快以五欲自娛樂其人言我現在
得無爲是爲第一見第二見復有異道人言
不如餘者言有我現在無爲也更有現在得
無爲何謂現在無爲若比丘離欲脫惡不善
之法意念行善安樂便第一禪其人滅盡我
者後世不復生死是我現在得無爲是爲第
二見第三見復有沙門道人復言不如餘者
所說不用此我現在得無爲更有現無爲復
過其上何謂現在無爲其比丘滅意內寂定

其志一不念亦不行三昧喜樂便行第三禪
其人滅盡現在得無爲是爲第三見第四見
復有沙門道人言不如餘者言不用此我現
在得無爲更有現無爲復過其上何謂現在
無爲其有比丘喜離婬嫉悅觀行常寂悅身
行如賢者所觀行常安便便行第三禪是爲
第四見第五見復有沙門道人言不如餘者
言不用此現在得無爲更有現在無爲復過
其上何謂現在無爲其有比丘斷樂斷苦無
有昔時可意不可意亦不苦亦不樂常奉清
淨便行第四禪其人現在得無爲滅盡以後
世不復生死是爲第五見佛言所可謂有沙

門道人說現在無為見現在無為者為現在
無為者皆在是五見中不能復過是五見上
佛皆知是所知復踰上絕妙知是以不誠亦
不毀得無為佛知痛痒所更樂方便知所從
起以現佛無所著意善解我所知法深奧深
照我悉了。知若有賢者弟子聞知之便說佛
功德佛言彼異道人念常見常為人說我世
有常在是四見中者用不知示現故不得道
行精進乃知是習因緣不習因緣用是成因
緣用是不成因緣不得是處佛言彼異道人
說上中行各現所各自為大說世常在二見
中者用不知不見不得道行精進乃如是習

因緣不習因緣用是成因緣不得其處佛言
若有異道人各念常見常各爲人說我與世
有常在四見中者用不知不見故不得道習
因緣不習因緣是用因緣成用是因緣不成
不得其處佛言彼諸異道人有言有限人言
無限有言有限無限之言亦不有限亦不無

限我及世在四見中者用不知不見不得道
行精進乃如是習因緣不習因緣用是因緣
成用是因緣不成不得其處佛言彼諸異道
人共諍言所說各異在四見中者用不知不
見故不習道行精進乃如是習因緣不習因
緣用是因緣成用是因緣不成不得其處佛

言彼諸異道人說想行想爲人說我與世有
想在十六見中者用不知不見故不得道行
精進乃如是習因緣不習因緣用是因緣成
用是因緣不成不得其處佛言彼諸異道人
念無想見無想爲人解說我與世無想在八
見中者用不知不見故不得道行精進乃如
是習因緣不習因緣用是因緣成用是因緣
不成不得其處佛言彼諸異道人亦不念想
亦不無想爲人說我與世無想在八見中者
用不知不見故不得道行精進乃如是習因
緣不習因緣用是因緣成用是因緣不成不
得其處佛言彼諸異道人說滅壞常爲人說

我與世滅壞在七見中用者不知不見故不
得道行精進乃如是習因緣不習因緣用是
因緣成用是因緣不成不得其處佛言彼諸
異道人說現在無爲見現在無常爲人說現
在無爲在五見中者用不知不見故不得道
行精進乃如是習因緣不習因緣用是因緣
成用是因緣不成不得其處佛言若有異道
人於過去劫中見過去事於無央數道各各
異在十八見中彼諸異道人當於來劫中見
當來事於無央數道所說各異在四十四見
者今皆在是六十二見往還其中於彼往在
際中生俱會行於網中生死不得出佛言譬

如工捕魚師若捕魚弟子持赤目網下著小
泉中下以便前任若坐其人念言水少諸魚
游游皆上網上往往在其中不得出佛言如
是諸異道人於過去劫中見過去事識昔時
行於無央數道所說言各異在十八見者若
有異道人於當來劫中見當來事念說當來
事於無央數道所說各異在四十四見中者
皆在是六十二見往還於其中住在其中生
死俱合會行在羅網中不得出佛言比丘佛
身皆斷諸著常在厥往諸天及人民悉見佛
般泥洹後不能見也佛說是經時三千大千
世界六反震動尔時那耶和留比丘在佛前

住以扇扇佛於是賢者那耶和留長跪叉手
白佛未曾有天中天是緣深乃知是深照天
中天是經名為何等云何持名佛告那耶和
留拘樓秦佛如來無所著等正覺說是經時
名為法網迦葉佛如來無所著等正覺說是
經時名為見網今我亦說是經名為梵網佛
說如是諸比丘皆歡喜前為佛作禮而去

佛說梵網六十二見經十一

无二

登

